

БӨЛІМ: БАЛАБАҚША

Бағдаршам

ЖАРИЯЛАНДЫ
25.07.2017СІЛТЕМЕ
https://bilimger.kz/16486/

АННОТАЦИЯ / АҢДАТПА

Налибаева Бибіхан Ахмедовна

Білім бері саласы:Шығармашылық

Оқу қызметі:Апликация

Тақырыбы:»Бағдаршам»

Мақсаты:Қиылған кесінділерді түстердің үйлесімділігін сақтай отырып орналастыруға және ұқыпты жұмыс жасауы, бағдаршамды пішіндер жасауға,бағдаршамды пішіндер арқылы жапсыруға үйрету.

Білімділік:Ойынды тәрбие құралы ретінде пайдаланып, бала сезімін кеңейтіп, тілін ұштастырып, жол ережесін жасына сай меңгерту.Көшеде жүру мәдениетін үйретіп, сақтыққа тәрбиелеу.

Дамытушылық:Ақыл-ой, ес, зейін қабілеттерін, диалогты сөйлеу мәдениетін дамыту.

Тәрбиелік:Адамгершілікке, еңбек сүйгіштікке, ұйымшылдыққа тәрбиелеу.

Көрнекіліктер:Жолдың макеті,ойыншық мәшинелер, сүлгі, қылқалам, желім,қағаздан киылған пішіндер.

Сабақ барысы:Балалар қараңдаршы, бүгін біздің топқа қонақтар келіпті.

Қане, қонақтармен амандасайықшы.

Балалар:Сәлеметсіз бе?

Тәрбиеші:Жарайсыңдар

Тәрбиеші:Балалар орнымыздан тұрып бір-бірімізге жүрек жылуын бөлісейік.

Шаттық шеңбер

Армысың, аспан!

Армысың, күн!

Армысың, қара жер!

Армысың, жан досым!

Тәрбиеші: Сабағымызды жұмбақпен бастайық.

Жұмбақ

1. Аяғы бар жүрмейді

Аузы жок сөйлейді.

(Бағдаршам)

2. Жасыл көзі жүр дейді.

Қызыл көзі тұр дейді.

(Бағдаршам)

«Тәрбиеші: Жарайсыңдар.

Балалар бүгінгі біздің өтетін жаңа тақырыптың аты «Бағдаршам».

Бағдаршам туралы әңгіме, сұхбат беру, түсіндіріп айта кету.

Слайд көрсету

Тәрбиеші: Балалар бағдаршам туралы тақпақ білесіңдер ме?

Балалар: Ия

Балалар тақпағы:

Сержан: Қызыл көзін ашқанда

Сынық сүйем баспа алға
Сары көзін ашқанда
Қарап қалма аспанға.
Жасыл көзін ашқанда
Өте берсін жасқанба
Сабырхан:Мен көшеден өтерде
Бағдарщамға қараймын
Қоймаған ғой бекерге
Жәрдемшісі ол талайдың.
Айғаным:Қызыл жанды тоқтағын
Көрдiң жұрттың тосқанын
Сары жанды дайындал
Айналаңа қарап қал
Жасыл жанды тыңдағын
Жолың ашық, тұрмағын.

Нұрай:Ашса кезек үш көзін
Айтты деп ұқ үш көзін
Тоқта, сақтан, жол ашық.
Жүрме жолға таласып
Қызыл көзін ашқанда
Сынық сүйем баспа алға.
Даурен:Бір қырындап тік тұрып
Жасыл жанды дегенді
Жүргіншіге ұқтырып
Реттеуші бар көшеге.
Тәрбиеші:Жарайсыңдар.

-Балалар Бағдаршам болмағандықтан, мәшинелердің жолда жүрулері қиындап кетті. Олай болса, келіңдер бағдаршам жасайық.

Үлгі суретпен жұмыс.

Балалар:

Бағдаршамның түстерін атайды.

(Қызыл, сары, жасыл)

Желімді жағып, тікбұрышты қағаз бетіне жапсырады. Дайын бейнені сүлгімен басады.

Сергіту сәті:

бала, бала, балақай,

Қол соғайық алақай!

«Бір, екі, үш» деп айтайық.

Саусақтарды тартайық.

Тәрбиеші: Жарайсыңдар.

Ендеше ойын ойнайық.

«Бағдаршам» дидактикалық ойыны.

Ойынын шарты: Бір баланы «Бағдаршам» рөліне енгізіп, қолына үш түсті дөңгелек қағазды ұстатып, бір шетке тұрғызады. Екінші балаға жол бойымен мәшинені жүргізіп, бағдаршамның түсіне сәйкес қимылдар жасауға ұсынады.

Балалар ойынға қызыға, белсене қатысады.

Қорытынды:

Балалардың жұмыстарынан көрме ұйымдастырады. Мадақтайды, сұрақтар қояды:

-Балалар, бүгін нені жапсырдық?

Балалар сұраққа жауап береді.

Тәрбиеші: Жарайсыңдар, балалар!

ҚМ АА Куәлік нөмірі: **KZ45VPY00102718** — ҚР Мәдениет және Ақпарат министрлігі

© 2026 **Bilimger.kz** Ақпараттық-танымдық білім порталы. Барлық мазмұн авторлық құқықпен қорғалған.